



Олтинхон тўранинг номи мусулмон Шаркида машхур. Зеро, у асрлардан буён Мовароуннахрда ривож топган ислом дини илмий анъаналарини изчиллик билан хорижда давом эттирган улуг инсондир.

Ватандош олимларимиз хакида биз тўплаган маълумотлардан мукамалроги ушбу зот хакидадир. Олтинхон тўранинг номи мусулмон Шаркида машхур. Зеро, у асрлардан буён Мовароуннахрда ривож топган ислом дини илмий анъаналарини изчиллик билан хорижда давом эттирган улуг инсондир.

Саййид Махмудхон Саййид Назирхон ўгли Тарозий 1895 йили Жанубий Козогистоннинг Ўзбекистонга туташ кадимий Тароз (хозирги Жамбул) шаҳрида таваллуд топган. Тароз ушбу минтакада кадимдан ривожланган машхур шаҳарлардан хисобланиб, халқаро савдода ҳам ўз номига эга бўлган, шунингдек, Мовароуннахрдаги машхур диний марказлардан бири хисобланган. Кейинчалик шаҳарнинг номи ўзгариб «Авлиё ота» деб аталган. Саййид Махмудхоннинг насаби Ўзганда ўтган Иликхонларга бориб такалади. Бобурнинг ёзишича, «Фаргона вилоятида бу табака муктадо ва шайхулисом ва кози бўлиб келишган». Оталари Саййид Назирхон тўра катагон йилларидан олдинок хибсга олиниб, бедарак кетган.

Саййид Махмудхон ёшлигиданок ноёб истеъдоди ва ўткир қобилиятига эга бўлган. Хофиз ва Саъдий асарларидан кўп нарсаларни ёд олган, шунингдек, Куръон тиловатига ҳам мохир бўлган. У киши Тошкентдаги Кўкалдош, кейинчалик Бухоро мадрасаларида ўқиди, араб ва форс тилларини пухта эгаллади.

У кишининг Маккадаги шогирдларидан Мухаммад Косим Аминнинг гувоҳлик беришича, Саййид Махмудхон 1917 йили юз берган сиёсий бесаранжомликлардан кейинги йиллари она шаҳри Авлиё отада мактабдорлик қилган. Сўнгра шаҳардаги мадрасада мударрислик вазифасига тайинланган. Олим сифатида шухрат топиб, номи атрофдаги Туркистон, Чимкент, Сайрам, Марки томонларда ҳам машхур бўлиб кетган.

Сўнгра юртда бошланган сиёсий парокандалик туфайли кўп уламолар катори, Саййид Махмудхон Тарозий ҳам таъкиб остига олинади. Бир муддат Фаргона водийси

шахарларида яшириниб юради, бошпана излаб, Андижонга ҳам келади. Ўша йиллардаги ёшгина мулла йигит Абдулахад Азизов (шоир Анисий) у кишини кўрган ва суҳбатини олган. Унинг айтишича, 20-йиллари Саййид Махмуд Тарозий кундузлари кабристонда яшириниб ётар, тунда эса дўстларининг уйига келиб, суҳбат курар эди.

Нихоят, Фаргона водийсида ҳам сиёсат танглашиб, Афғонистонга ўтиб кетишга мажбур бўлади. Бу - 1930 йилларнинг бошланиши эди. Саййид Махмудхон Афғонистондан муборак ҳаж сафарига бориб, ҳаж амалларини бажаргач, Хиндистонга келади ва Бомбайнинг мусулмонлар маҳалласида муқим туриб қолади. У шаҳардаги маҳаллий масжидлардан бирига имом-хатиб этиб тайинланади. Шу тарзда Бомбайда ўн йил истикомат қилиб етук -тасаввуфшунос олим ва муҳаддис бўлиб танилади, катта обрў қозонади. Ушбу йиллар шеърини машқлар ҳам қила бошлайди.

Саййид Махмуд Тарозий Бомбайда Куръони қаримни туркийнинг «ўзбекча лаҳжаси»га ағдарган биринчи таржимондир. Қарочи, Лохур, Лақнав, Мултон каби мусулмонлар яшайдиган шаҳарларда «Тўра соҳиб», кейинчалик «Олтинхон тўра» таҳаллуси билан машҳур бўлиб кетади. Ўша йиллардан бошлаб араб ва ўзбек тилларида газаллар, кўпроқ мусаддаслар ёзади. Қарочидаги «Таржимони афкор» уюшмасининг раҳбари Аъзам Хошимий ҳаракати билан унинг мусаддаслари ва шеърлар тўплами 1953 йили биринчи марта «Мусаддасоти Махмудия» номи билан нашр этилади. Ушбу тўпламнинг сўзбошисида айтилишича, «Саййид Махмуд Тарозий ҳазратлари учун таърифга ҳожат йукдур. Илму одоб соҳасидаги мақомлари барчага аёнду».

Хиндистонда бошланган ва Покистон давлатининг ташкил топиши билан тугалланган ҳарбий-сиёсий нотинчликлар муҳожирлар, жумладан, Саййид Махмудхон Тарозий -Олтинхон тўранинг ҳам оромини бузади ва ниҳоят, у Саудия Арабистонига келиб ўрнашади.

Олтинхон тўранинг 40 йилдан ортиқ давом этган сўнгги илмий-исломий ва адабий-маърифий фаолияти муқаддас шаҳарлар — Маккаи муқаррама ва Мадинаи мунавварада кечди. Асосий асарлари шу ерда яратилди ва улар туфайли катта обрў-эътибор қозонди.

Дастлаб Маккада хусусий мактаб очиб, ватандошларимиз болаларига, шунингдек, маҳаллийларга ҳам дарс бера бошлайди. Ўшанда унинг кенг қамровли олим экани Арабистонда ҳам маълум бўлиб, ҳукумат томонидан Ҳарами шарифда дарс беришга тақлиф қилинади. У кишининг олимлик истеъдоди, классик араб тилини чуқур билиши, нотиклиги ҳақидаги хабар Саудия Арабистони подшоҳигача етиб боради. У зотнинг олимлик фаолиятини эътиборга олиб, Ҳарамга мударрисликка тайинлайди ва бир неча йил мана шу мартабали лавозимда хизмат қилади.

Саййид Махмудхон Тарозий, юртдошларимизнинг эътироф қилишларича, муҳожирларнинг ҳақиқий маънавий суянчиги эди. Ҳамюртларининг мусофир юртда бирон ҳаётий муаммоси бўлса, у киши подшоҳ ёки шаҳар амири қабулигача бемалол кириб, арз ва илтимос қила оладиган даражада обрў қозонган эди.

Домла Тарозий арабчани билмайдиган туркийзабон халқларга исломга оид илмий ва одоб-ахлоқда доир манбалар билан уларни ошно қилиш ва охир-оқибат бундай асарлар уларнинг севимли китоби бўлиб қолиши ҳақида кўпроқ ўйларди.

Шу мақсадда мусулмон оламида машҳур бўлган ва тарбиявий аҳамиятга молик баъзи асарларни ўзбек тилига таржима қилади, уларни Ватанга юбориш йулларини қидиради. Айрим асарлари Ўзбекистонгача етиб келади. Бунинг натижасида олим биздаги даҳрийлик тузуми оқибатида халқларимиз ҳаётида пайдо бўлган маънавий бўшлиқни

бироз бўлса-да, тўлгашишга хисса кўшади. Китобларни арабчадан таржима қилар экан, уларни муҳим изохлар ва зарур шарҳлар билан тўлдиради. Алишер Навоий, Абдурахмон Жомийнинг 40 ҳадис ҳақидаги форсча рисоласини изох ва шарҳлар билан рубоий шаклида ўзбекчага таржима қилиб, натижада «Арбаъин» номли мустақил асар яратгани каби, Олтинхон тўра ҳам тарбияга доир айрим арабий асарларни ўзбек тилига таржима қилиб ва муфассал шарҳлар билан нашр эттириб, мустақил асарлар яратади.

Чунончи, «Риёз ас-солиҳин» китоби, гарчи шарҳлар билан қилинган таржима бўлса ҳам Олтинхон тўранинг муҳим асари ҳисобланади. У кишининг Куръони қаримнинг изохлар билан қилган таржимаси эса ўзбек тилига қилинган биринчи таржимадир. Тўра Соҳиб Хиндистонда эканидаёқ бу машаққатли ишни бошлаб, ўн йил меҳнат қилган. Ушбу таржима аввал Хиндистон, сўнгра Покистонда, 1980 йили Саудия Арабистонида учинчи марта нашр қилинди. Олимнинг «Нур ул-басар» (Пайгамбаримиз ҳақида) асари ҳам муҳим тадқиқот бўлиб, 1964 йили Қарочида, 1982 йили Мадинаи мунавварада нашр этилди ва ўша йиллариёқ хуфя тарзда бўлса ҳам Ўрта Осиё республикаларида ҳам тарқалди. Булардан ташқари, Расулulloх ҳаёти, баъзи исломий қоидалар ҳақидаги асарлари ҳам мавжуд.

Ҳаммаси бўлиб, ҳозирда олимнинг 20 га яқин асари аниқланган. Улардан «Девони қасоиди Махмудия» асарида или ва одоб, она-Ватан ҳақидаги қасида ва назмлар жамланган. Қарочида босилган «Мусаддасоти Махмудия» китобчасида Ватан ва унинг озодлиги ҳақида ёзилган жозибали мусаддаслари ҳам қилинган. Улардан айрим парчалар келтирамиз:

«Замзамаи озодий» мусаддасидан:

... Кани хорижга чиққан раҳнамолар, марду, майдонлар?
Муҷоҳидлар, мударбирзода туркистонлик ўғлонлар?
На бўлди ул Ватан йулида берган аҳду паймонлар?
Жўнар соатда кўздин оқизилган бебаҳо қонлар?
Қолур тоқай асири фирқаи илҳод Туркистон,
Илоҳи, қил қарам, лутфнингдин ўлсин шод Туркистон.

«Шамоиلى Муҳаммадия» асарининг таржимасига бағишланган муҳаммас-қасидадан:

Муҳожирлар, ўқинглар, бир китоби муҳтасардир бу,
Набий авсофидин сизларга тўпланган гуҳардир бу,
Асалдан ҳам асалдир бу, шақардин ҳам шақардир бу,
ўқилсин, ҳар даму қулфат учун даф асардир бу.
Муқаммал наҳшан ул ҳазрати ҳайр ул-башардир бу.

«Риёз ус-солиҳин»га бағишланган қасидадан:

Ассалом, эй аҳли миллат, мархабо, эй аҳли дин.
Уммати маҳбуби Аҳмад, раҳмати руйи замин,
Пайрави Қуръон ва Суннат ҳайрул мурсалин,
Сизлар-а бўлсин муборақ муждаи жон офарин.
Меҳрибон бўлди муҳожирларга раббил оламин,

Лутфидин бўлди мутаржим бу Риёз ус-солихин.

Олмонияда чиккан «Миллий Туркистон», Мисрда чиккан арабча «Савт ат-Туркистон» ва туркча «Озод Туркистон», шунингдек, Покистонда чиккан «Таржимони афкор» ва Истамбулда чиккан «Туркистон» журналларида Олтинхон тўранинг Ватан мадҳига бағишланган мақолалари ва газаллари муттасил босилиб турган. Уларда муаллиф Ватан озодлиги, истиклоли учун барча ватандошларни бирдамликка чакиради, она-юрт ишида куйиб ёнади, унинг гўзалликларини куйлайди. Домла Тарозий бир мақоласида шундай деб ёзади: «... Русия ила Чин ўртасида мустақил Туркистон давлати шартдир... Иншооллох, бир кун келажак, Туркистонимиз миллий мустақиллигини олажак». Бу гаплар 1975 йили ёзилган. Бизнинг кунларда унинг ушбу гаплари худди башоратга ўхшайди. Вақти келиб, устознинг барча мақолаларини тўплаб, мустабид тузумдан озод бўлган халқимизга ҳаётиятда кунлар насиб қилади, деган умиддамиз. Ватандошларнинг эътирофи этишларича, Олтинхон тўра Саудия Арабистонида яшовчи туркистонликларнинг маънавий раҳбари эди. Бу ёруғ кунларга етиб келгунча Олтинхон тўрага ўхшаш не-не мунаввар ватандошларимиз, юртдан ташқарида бўлса ҳам Ватан озодлиги йулида заҳмат чекилар, она юрт фироқида куйиб ёндилар. Олтинхон тўра бир гуруҳ ҳаммаслаклари билан биргаликда Туркистондаги огир меҳнат шароити, пахта яққахоқимлиги туфайли унга сепилган заҳарли моддалардан турли касалликлар тарқалаётгани ҳақида, умуман юртимизнинг умумжаҳон тараққиётидан орқада қолаётгани ҳақида Саудия Арабистони ва бошқа чет эл матбуотида, турли радио тулкинларда чиқишлар қилиб турган. «Улуг Октябр инқилоби» деб аталган 1917 йилдаги давлат тўнтаришининг 40 йиллиги муносабати билан 1956 йилдан СССРда бошланган кенг тарғибот-ташвиқот ишларига жавобан, бу найрангларни фош қилувчи чиқишларга Олтинхон тўра бошчилик қилган. «Таржимони афкор» журналининг муҳаррири Аъзам Хошимий: «Бу зот муҳожирларимиз таржимонлиги соҳасида ўз вазифасини бажарган бир миллатпарвар ва ватанпарвардир», — деб ёзган эди. Мана бу воқеа ҳам гоҳида эътиборлидир: маълумки, 1953 йили март ойида Сталин вафот қилди. Шу муносабат билан «Отамиз ўлди» деб кўз ёшлари тўкиб юрилган чоғда Олтинхон тўра ташвиқоти билан Саудия Арабистонидаги ватандошлар хурсандчилик митинги уюштиришган. Ўшанда Тура соҳиб Сталин ҳақида танқидий мусаддас ёзган ва тўпланганларга ўқиб берган. - Биз «Мусаддасоти Махмудия» рисоласида босилган бир юз йигирма байтдан иборат ушбу мусаддасни тўлалигича келтирамиз. Зеро, газал шафқатсиз тузумни фош қилувчи нодир шеърини асардир.

Ситамкор Сталин

«Ситамкор Сталин Туркистон ва бошқа турк ўлкаларнинг хуррият ва истиклолларини махв ва мункариз айлаб, у мамлакатлар мусулмонларининг керак диний, керак миллий анъаналарини поймол этмоққа жони борича тиришган кечирилмас душмандир. Унинг даврини ниҳоят даҳшатли террор даври деб қарор берилган».

Тарқ айлади дунёни ситам қор Сталин,
Фиръавни замон — золим-у хунқор Сталин,
Оламдаги динсизлара сардор Сталин,

Ер юзида бемисли дилозор Сталин,
Тадбири жахон фикрида хушёр Сталин,
Колди бу ўлим илгида ночор Сталин.

Фикр этмади - йук эрди бу дунёни бақоси.
Колмас эди оламини шаҳаншоҳ.-У гадоси,
Золиmlар учун бор эрди Тангрининг балоси,
Дер эрди: «худо йўк», кўринг — ўлдурди худоси.
Тадбири жахон фикрида хушёр Сталин,
Колди бу ўлим илгида ночор Сталин.

Нолишда эди зулм ила кўп хаста жигарлар,
Хар лахза муслмонлара хар турли хатарлар,
Пайваста ўтар эрди фиғон бирла сахарлар,
Шак йўкки, дуоларда бўлур бўйла асарлар,
Тадбири жахон фикрида хушёр Сталин,
Колди бу ўлим илгида ночор Сталин.

Масжидлари майхона килиб эрди бу малъун,
Дер эрди киши сўзласа дин бобида - мажнун.
Динсизлар анинг чун эди ул гумроҳ мафтун,
Дин душмани бу лахза вафоти ила махзун.
Тадбири жахон фикрида хушёр Сталин,
Колди бу ўлим илгида ночор Сталин.

Шод ўлди жахон - душмани ислом йиқилди,
Ахлоки ёмон кофири бадном йиқилди,
Озори ила шаҳраъи айём йиқилди,
Сайёд ситамгар кетиб дом йиқилди.
Тадбири жахон фикрида хушёр Сталин,
Колди бу ўлим илгида ночор Сталин.

Мотамда бу кун куфри хароб ўлди панохи.
Хак даргоҳина етди ситам дийдалар охи,
Динсизлара юзланди ажаб бахти сиёҳи,
Махв айлади душманни Мухаммадни Илоҳи.
Тадбири жахон фикрида хушёр Сталин,
Колди бу ўлим илгида ночор Сталин.

Бу ходисадин ибрат олурмиз уммолар.
Дин душманига Хак юборур бўйла балолар,
Куткармади жонини дувалар-у ҳукамолар,
Суд этмади ул аслаҳалар, жони фидолар,
Тадбири жахон фикрида хушёр Сталин,
Колди бу ўлим илгида ночор Сталин.

Кўрkitмиш эди кунбуласи бирла жахонни,
Тукмиш эди конларни, бузиб амни омонни,
Маръуби килиб эрди замин ила замонни,
Топширди бу кун моликина жисми-да жонни
Тадбири жахон фикрида хушёр Сталин,
Колди бу ўлим илгида ночор Сталин.

Кўрдингми худони, эй, худосизлар отоси?
Наф этдими дардингга хакиmlар давоси?
Охирда керак булдими бу халк дуоси?
Бок тўлгуси жисминг-ла жаханнамни фазоси!
Тадбири жахон фикрида хушёр Сталин,
Колди бу ўлим илгида ночор Сталин.

Оз кунда худо хохласа мулкингни очармиз.
Кабрингга бу мазлумлар ўтларин сочармиз,
Фўлад худудингдин аёг ила кечармиз,
Махбуб Ватан кўксида замзамлар ичармиз,
Тадбири жахон фикрида хушёр Сталин,
Колди бу ўлим илгида ночор Сталин.

Ёраб, сенга хамд, дил озор ўлибдур,
Бизларга ситам килгучи бадкор ўлибдур,
Макр ила жахон олгучи гаддор ўлибдур,
Кон тўккучи, боскинчи жафокор ўлибдур,
Тадбири жахон фикрида хушёр Сталин,
Колди бу ўлим илгида ночор Сталин.

Эй, жабр ила-афгор Ватан! Сенга муборак,
Зулм остида ночор Ватан! Сенга муборак,
Душман кўлида хор Ватан! Сенга муборак,
Авлоди учун зор Ватан! Сенга муборак,
Тадбири жахон фикрида хушёр Сталин,
Колди бу ўлим илгида ночор Сталин.

Махв айлади Хак душмани хункоринги охир,
Эшитди худо нола ила зоринги охир,
Икбола мубаддал килур идборинги охир,
Махжурларинг кўргуси гулзоринги охир,
Тадбири жахон фикрида хушёр Сталин,
Колди бу ўлим илгида ночор Сталин.

Эй, кавм, келинг фатхга тайёр бўлайлик,
Гафлатни отиб оркага, бедор бўлайлик,
Бирлик ила хар лахза хабардор бўлайлик,
Жон ила-ю, мол ила хабардор бўлайлик,

Тадбири жахон фикрида хушёр Сталин,
Колди бу ўлим илгида ночор Сталин.

Душманларимиз оклари тайёр эрурлар,
Ок дема, кизиллари каби гаддор эрурлар,
Хар иккиси дин душмани куффор эрурлар.
Бу кавм алардин хама безор эрурлар.
Тадбири жахон фикрида хушёр Сталин,
Колди бу ўлим илгида ночор Сталин.

Биз эмди, сано Хаккаки, танпарвар эмасмиз,
Бемарказ эмасмиз, яна берахбар эмасмиз.
Бор давлатимиз, бирлигимиз, ахкар эмасмиз,
Бегоналар эхсонига биз музтар эмасмиз,
Тадбири жахон фикрида хушёр Сталин,
Колди бу ўлим илгида ночор Сталин.

Эй, яхши Ватан кўксида бор ота-оналар,
Сизларга муборак бу кун, эй, ини-огалар,
Биз мунда-ю, Сиз унда килинг Хакка дуолар,
Сизларни халос этмака хозир бу фидолар,
Тадбири жахон фикрида хушёр Сталин,
Колди бу ўлим илгида ночор Сталин.

Ёраб, сенгадур эрта-ю кеч арзи рижомиз,
Колсин бу жахон борица шоху умаромиз,
Сен молики оламсан-у биз барча гадомиз,
Хар лахза Худое, сенгадур ушбу дуомиз,
Тадбири жахон фикрида хушёр Сталин,
Колди бу ўлим илгида ночор Сталин.

Эй, ёшлар, ўкинг, илм ила дунёни олурсиз,
Душман бошина турли балоларни солурсиз,
Гайратлар этинг, йук эса сиз сўнгда - колурсиз,
Беному нишон биз каби сиз хам йўколурсиз,
Тадбири жахон фикрида хушёр Сталин,
Колди бу ўлим илгида ночор Сталин.

Махмуд хазин кавмини курбони хамиша,
Илгида килич, кўксида Куръони хамиша,
Бордир Ватанин фатхина иймони хамиша,
Хак бўлса мададкор, анга Рахмони хамиша,
Тадбири жахон фикрида хушёр Сталин,
Колди бу ўлим илгида ночор Сталин.

Саййид Махмуд Тарозий-Олтинхон тўра ўзидан анчагина илмий ва адабий мерос

колдирди. Бирок илмий меросининг адади ҳамон тўла аникланмаган. Хозирча биз аниклаган айрим асарларининг номларини келтирамиз. Олимнинг илмий ва таржима ишларининг номлари арабча бўлса ҳам барчаси узбек тилида ёзилган. Бизга хозирча унинг куйидаги асарлари маълум:

- 1-Куръони каримнинг таржимаси ва тафсири (Покистон, Хиндистон ва Саудия Арабистонида нашр килинган.)
- 2.«Нур ул-басар фи сийрати хайр ул-башар» (Пайгамбаримиз (с, а. в.) хаёт йуллари). 1964 йили Покистонда ва 1982 йили Саудия Арабистонида нашр килинган.
- 3.Имом Абу Закариё ан-Нававийнинг «Риёз ус-солихин» («Солих кишилар бўстони») номли турт жилдли асарининг шархлари, лугати ва таржимаси. 1964 йили Покистонда ва 1982 йили Саудия Арабистонида нашр килинган.
4. «Фазой и ул-вуруд ва ало саййид ул-вужуд» (Пайгамбаримиз (с.а.в.)нинг намоз ўқишлари хакида).
- 5.«Акоид ул-ислом» («Ислом дини акидалари»). Муаллифнинг вафоти арафасида босмадан чиккан (1991).
- 6.«Хизб ул-аъзам» (Улуг ва мўътабар коида ва низомлар).Ўгитлар тўплами.
7. Абу Ханифа ан-Нуъмон ибн Собитнинг «ал-Фикх ал-Акбар» (Шариат коидалари тўплами) асарининг шархли таржимаси.
- 8.Имом ат-Таховийнинг «Акидаи Таховий» («Таховий акидалари») асарига манзума ва шарх- Бу асар Покистон,Хиндистон ва Саудия Арабистонида нашр килиниб, кенг таркалган.
- 9.«Девони касоиди Махмудия» (Илм ва одоб хакида ўзлари ёзган касида ва назмлар тўплами). Турли шаҳарларда килинган ваъзлар ва айрим сафар таассуротлари ҳам ушбу тўпламга киритилган.
10. Абу Исо ат-Термизийнинг «Шамоиلى Мухаммадия» асарининг шархланган таржимаси. Таржимон суз бошида ёзишча, Пайгамбаримиз (с.а.в.) сифатлари хакида ривоят килинган саҳобаларнинг номлари аникланган. Бундан ташкари, ушбу асар киммати хакида махсус мусаддас ҳам ёзган (муаллифнинг ушбу асари 1991 йили Тошкентда ҳам нашр килинган).
11. «Китоб ал-хаж» — Муборак хаж сафари коидалари хакида. Асар 1993 йили Тошкентда ҳам нашр килинган.
12. «Ёсин» сурасининг таржимаси ва шархи (кўлёзма).
13. «Аъмма» сураси таржимаси Карочи, 1951.
14. «Мусаддасоти Махмудия», Карочи, 1953.
- 15.Саудия Арабистони ва бошқа мамлакатлар матбуотида турли йиллари босилган мақолалар ва шеърлар. Шунингдек, араб тилида ёзилган куплаб мақолалари ва шеърлари ҳам бордирки, уларни излаб топиш анча мушкулдир.

Биз уюштирган суҳбатларда айтишларича, матбуотдаги чиқишларида Олтинхон тўра Туркистоннинг озодлиги ва истиклоли учун барча ватандошларни бирдамликка чакиради, Ватан, она юрти ишкида куйиб ёнади ва унинг гузалликларини мадҳ этади. У кишидан бир канча фарзандлар колди. Биринчи. рузгоридан Саидахон исмли кизи ва угли Мухаммаджон хожи Янгийулда истикомат киладилар. Отадан бир ярим яшар колган бу кизи 1991 йили хаж сафарига бориб, отаси билан куришди-ю, аммо гаплашишга

муяссар бўлолмади: ота узок нотобликдан беҳуш ётган эдилар (кизи хаж амалларини бажариб юрган кунлари Олтинхон тура казо килдилар. Эшитишимизча, Саидахон ҳам 1999 йили Янгийулда вафот килган).

Олтинхон туранинг кейинги рузгоридан Абдулкодирхон, Мунаввар кори, Усмонхон каби угиллари хозирда Саудия Арабистонида истикомат киладилар. Улар, гарчи ота юртини кўрмаган булсалар ҳам Туркистонни доимо ёдда саклаб яшамокдалар. Угли Мунаввар кори билан Маккада биз кўп суҳбатлашдик.

Олтинхон тўра Ватан мустакиллиги эълон килинишидан атига икки ой илгари — 1991 йил 26 июнь куни вафот килдилар. 1995 йил ноябрь ойида тугилган юрти Жамбул шаҳрида у зотнинг 100 йиллик юбилейига бағишланган тантаналар ўтказилди.

Бухорийлар киссаси китобидан. Сайфиддин Жалилов